

随园诗存

楊肇



随园诗存

主 编：宙 浩
封面题字：杨 巩
封面设计：闵叔骞

非卖品

2002/5/30

数字图书馆
推广工程

PDG

目 录

徐 复	诗一首	3
吴奔星	诗词十七首	3
杨 玘	诗词二十六首	5
金启华	诗十二首	9
孙 苏	诗五首	11
洪 桥	诗八首曲一套	12
索毅然	诗词八首	14
冯春明	诗十五首	15
罗 辑	诗词九首	17
周立人	诗七首	18
常国武	诗词二十五首	19
陈 雄	诗二十一首	26
顾立桂	诗词十首	29
吕进人	诗词二首	30
宙 浩	诗词四十七首	31
陈潜英	诗四首	37
曹济平	词五首	38
锺 陵	诗词十六首	39
顾复生	诗词五首	43
赵宗杰	诗词十二首	44
苏万物	诗词七首	46
曹 乌	诗词十四首	51
段熙仲	词二首	52

唐圭璋	诗词十二首	53
关吉昱	诗四首	55
郑异之	词三首	56
诸祖耿	诗三首	56
吴调公	诗词十一首	57
孙 望	诗十八首	59
杨政知	诗六首	62
杨白桦	诗词十首	62
王馥荪	诗九首	64
鞠继武	诗三首	65
汪永泽	诗十二首	66



随园诗存



原书空白页



徐 复

徐复〔1912—〕江苏常州市武进县人，南京师范大学教授。

贺南京师范大学百年校庆

百年名校古南雍， 乐育新人泗上风。
桃李门墙多俊彦， 愿教寰宇仰飞龙。

吴奔星

吴奔星〔1913—〕湖南安化县吴家湾人，南京师范大学文学院教授。

奉和老舍先生中国文艺界抗 敌协会成立诗韵五首之三

江南河朔尽碉楼，生聚韶华日夜流。触景王孙歌黍稷，
伤心楚客赋同仇。筑鸣燕市双行泪，春到辽阳几度秋。等是
琵琶催马上，男儿一去莫回头。

高歌当泣倚危楼，尸塞河淮欲断流。倭寇穷兵惊草木，汉
宫鸣鼓击雠仇。不忘孤枕三更梦，暂挽千钧一发秋。寄语暂
捐儿女态，任它柳色映蓬头。

无言独自上层楼，似听黄河带恨流。一介书生惭夙志，万
千貂锦愧同仇。会稽雪耻仍无日，巫峡啼猿又唤秋。向晚江
山风景异，枕戈莫负少年头。

七七事变周年

古都沦陷甫经年，文物衣冠尽荡然。朝露有心还痛哭，

平明犹自泣桥边。

曾记当年夜未阑，惊传烽燧觉衣单。卢沟今隔三千里，无限江山梦里看。

临江仙

—晚景

莽莽长空垂夕照，东西南北谁边？绿杨袅袅出炊烟。有家皆掩户，无客不愁天。月白风清何处去？青山响彻啼鹃。流云偏自掩流泉，两行难尽泪，一只未归鸢。

读李杜

宦海浮沉吉与凶，云霞富贵尽成空。何如佳句传千古，风雨晨昏慰固穷。

李向吴中杜向秦，锦心绣口出风尘。独来独往无依傍，一首诗成万古新。

题照

头顶雪花飘，昂藏七尺高。沧桑过八十，啼笑起风骚。

迎春曲

星回斗转又春风，吹暖东西南北中，莫道台澎居海外，金阳普照一般红。

杜甫草堂

老去书生爱锦城，草堂春色笑相迎，果能梦借生花笔，一气呵成唱晚晴。

无题

尝闻逝水喻韶华，拟掬丹心慰落花。旧调重弹人共倦，新声初谱艺还差。羞将白发临朝镜，漫忆青春惜晚霞。桃李无言情脉脉，飘零未必只天涯。

怀乡

落魄来东海，游魂忆柳溪。无端闻虎啸，有意听鸡啼。

地冷花难发，势孤首易低。江湖可爱处，长在洞庭西。

乡 愁

作客他乡久，家园已陌生。伤心童子月，犹向老年明。

怀 鲁 迅

文章道德两平庸，检点行藏愧迅翁。全集尚多难解处，
教从何处拜春风。

参观“侵华日军大屠杀遇难同胞纪念馆”

江东门外望悠悠，三十万人骨未收，魂魄归来迷旧径，
沧桑正道恸同仇。

瞻仰枣园毛主席故居

几树丁香正盛开，闻香入室久低回。煤油灯下挥椽笔，
腕底春风阵阵来。

杨 巩

杨巩〔1919—〕江苏盱眙人，南京师范大学前党委书记。

颂南京师范大学开辟仙林新校区

大任难当局促西，东郊开辟出藩篱。经营惨淡披荆乐，
宏构参差创迹奇。曲直圆通皆有道，规模策划务先机。鸢飞
鱼跃江天阔，种李栽桃我着迷。

元 日 偶 成

今岁春来早，山禽自在鸣。欲知春好处，不是一条声。

马 年 论 相 马

岁交壬午马当值，骐骥驽骀须识别。熙来攘往对大千，

扑朔迷离纷难测。自来相马推伯乐，伯乐愁无分身术。虽有骏马满城乡，颖处囊中无由出。几多俊杰默默生，几多魑魅充人物。如今体制日翻新，不必黄金买骏骨。民主政治是归依，人事制度深改革。朋党裙带一扫光，驽骏贤愚曝白日。人民作主选公仆，亿万伯乐来抉择。萋迷芳草连天碧，荡漾春风花竞发。纷纷骏马出樊笼，跃马扬鞭争时刻。

抗日战争胜利五十年感赋

岁序翻过五十年，每逢此日寸心煎。百年奇耻铭金柱，亿万亡灵沉劫渊。独立花开悲血雨，富强伟业尚多艰。而今台海重重浪，统一何能歇仔肩。

百年殷鉴何曾远，外有强梁内有奸，烈士救亡甘浴血，懦夫媚敌但求安。不忘前事频回首，重抚伤痕仔细看。杳杳田中*寻旧梦，东条也欲借尸还。

百年忧患虽云过，胜利已交五十年。重抚伤痕犹作痛，细温旧事不成眠。富强大业蒸腾上，社鼠城狐渐蔓延。自古枯荣多史鉴，养痍遗害愧前贤。

注：田中义一，1927年任日本首相，主张先征服满蒙，再征服中国，进而征服世界。

为随园诗会诸诗翁寿

红染林梢黄满园，石头湖畔会神仙。七耆八老三生幸，四海五湖两纪缘。浅唱低吟樽有酒，高谈阔论舌生莲。风光无限人难老，迈步新千别有天。

水调歌头

—香港回归

红日当空照，华夏暖融融。香港还归怀抱，和泪数离衷。狮子山风呜咽，扬子江涛饮泣，静海歇梵钟。一通城下约，千载恨无穷。新世纪，开新局，气恢宏。前路如花似锦，万事必亨通。来日蓝图擘划，千万不能忘却，历史记遗踪。耻

辱铭金柱，功碑耸碧空。

水调歌头

—长江抗洪

兼月滂沱雨，江洪波撼堤，平地青黄沉陆，庐舍水檐齐。嗟我长江多难，恶浪高悬吴楚，威胁众生机。沉沉心底重，密密暑云低。灾情急，军民奋，不迟疑。疏堵无分昼夜，死守不稍移。更有八方援手，不见饥寒疫疠，青史足称奇。社会主义好，举国一盘棋。

水调歌头

—长江抗洪〔2〕

三镇欣无恙，两湖幸保全。鏖战八十昼夜，万众凯歌旋。堤堰伤痕累累，庐舍田园狼籍，壮矣楚江天。青山依旧在，希望在前边。长江水、万里浪、永向前。任尔桀骜成性，收拾有新篇。上下源流兼治，疏堵造林同步，举措顺天然。人造长江美，长江造福田。

卫道

卫道先生道不孤，寻章摘句擅乘除。出言无字非经典，立论全凭有字书。老店独家无别号，中流自许意踌躇。先生作茧徒劳甚，马氏文章并世趋。

欣闻中央战略决策西部大开发

春风毕竟到天涯，西出阳关柳浪斜。大陆桥通欧亚捷，长龙管达气油赊。石河已得江南美，翰海又开大庆花。三水源长思雪岭，溶溶膏乳渥中华。

水调歌头

—新千年首岁七一有怀

三夏事方了，红日正中天。遥想南湖烟雨，兀自动心弦。首倡南陈北李，叱吒风云驰骤，际会众英贤。宣言宗卡尔，党

建法苏联。 大革命，洪涛急，火燎原。滚滚浪潮东下，鱼龙尽判然。国势而今隆盛，三步征程在望，痼疽恨蔓延。狐鼠危城社，根除绝祸源。

血 花

五月榴花红似火，血花更比火花红。血花洗尽陈年耻，化作丰碑耸碧空。

中 秋

秋来酒肆出新招，精制精装索价高。且喜天公怜赤子，晴空一饼共良宵。

酉岁咏鸡

诗家酉岁爱吟鸡，唱彻神州喔喔啼。咯咯痴情忙产蛋，缘何大笔不曾提？

产蛋生涯年复年，向隅咯咯意绵绵。何期老去汤偏美，再献残驱一味鲜。

游天生桥

地裂山崩石峡开，巉岩峭壁老苍苔。天生桥渡惊神斧，胭脂河幽疑鬼裁。一棹悠然出尘外，两间恍忽入襟怀。凝思息虑无尔我，不觉随波已近淮。

红叶黄花秋满山，斑斓秋色不胜看。天生桥下胭脂冷，隐秀岩深齿骨寒，造化枯荣殊色调。世情冷暖变容颜。眼前惟见松与竹，依旧青葱性自闲。

管鲍分金亭

不因鲍叔推贤相，那得齐桓霸业成。一朝仲父归天去，流水落花带血腥。

十一届三中全会二十年（二首）

二十春秋一晃间，萧疏大地换新颜。衣冠万国来商旅，物业千门竞市廛。温饱有余奔富足，急流勇进再登攀。反思

文革疮痍痛，拨乱未忘当日难。

中华大地几沧桑，二十春秋不算长。颠倒是非皆反正，
开关落锁透风光。异军突起来江浙，农改先声古凤阳。曲突
徙薪人去也，焦头烂额莫相忘。

咏兔

不求尖利牙和爪，好与世人广结缘。乌豆精粗堪果腹，
木枕茅舍策安全。皮毛野味源源产，家族兴隆岁岁添。嗟彼
虎狼濒绝境，与人为善乐无边。

建党八十周年感言

八十回眸论是非，几成欢乐几成悲。此言簇簇花添锦，彼
说沉沉病入危。世事纷纭知倚伏，征途曲折识盈亏。进三退
二寻常理，天道如斯善自为。

中秋赏月

激光电火耀苍穹，七彩霓虹焕市容，愧煞蟾宫中夜月，
清辉不得入帘栊。

读吴奔星教授《盛唐诗人望月抒怀》

啧啧吴奔老，文思仍少年。解诗穷胜境，析理拨迷烟。
人意三分木，豁焉别有天。一轮中夜月，千载共悲欢。

金启华

金启华〔1920—〕安徽来安县人，南京师范大学文学院教授。

〔旅美诗抄〕

（一）鬼 镇

鬼镇原无鬼影踪，当年风物市廛中。破车木屋依然在，
商女长裙旧日容。

（二）黄石公园喷泉

四野茫茫白气浮，如山观众坐楼头。欢声雷动儿童跃，
万丈喷泉射斗牛。

（三）赫氏古堡

赫家甲第极辉煌，面水依山辇道长。何必白宫争入主，
太平洋上有羲皇。

得星云法师书

结缘曾住金山寺，已卜芸芸劫数长。偶与高僧相对语，
白牛车在有慈航。

潮寺大颠留退之，印坡赤壁共游时。千年佳话今谁续，
我与星云文字知。

祝调公道兄八十大庆

五福梅开祝寿辰，随园雅集见情真。曾经风雨喜晴好，
难得优游酬唱频。大卓清谈怀往事，清凉大著得通神。知君
已具回天力，更以期颐颂吉人。

和孙望同志赠诗

金陵自昔多佳客，草茂花残桂子秋。独立常思雄胆在，
群声不废大江流。注成元集幽微阐，诗补三唐功力遒。建邺
楼中人静后，几回细论息焉修。

长春杂咏

三日高居十二楼，望中景色是深秋。长街茂树琉璃色，

宫殿蓝图付水流。

高楼俯视八门宫，伪满君臣一笑中。粉墨登场当日事，威风无乃太匆匆。

街灯如豆夜沉沉，驿站微闻细语声。挥手长春人散后，碧空明月雁南征。

黄 山 吟

八百丈长好汉坡，登阶拾级不蹉跎。此身习练观奇绝，走毕全程兴尚多。

大谷幽深旅魄惊，一峰突出色青青。苍松如箭山巅立，始信天公画笔精。

孙 苏

孙苏〔1920—〕江苏涟水人。南京师范大学原校刊编辑室主任。

秋 游 栖霞

万树霜风赤似霞，三峰高处夕阳斜。摄山秋色年年艳，惹得人称二月花。

论 无 题 诗

虽曰无题胜有题，诗情蕴藉赖深思。毫端浅露非佳作，寻味难穷乃妙词。

骑自行车苏北旅行

脚踏双轮结伴游，风飘白发乐悠悠。禾田起伏重重浪，海港翱翔点点鸥。花果山颠寻胜境，运河岸畔访秦邮。身心健康需勤练，豁达能消百种愁。

抗 洪 曲

滂沱大雨泻长空，一似苍穹戳窟窿。郊外农田涛滚滚，
底层住宅水融融。抗洪排涝心情急，献款捐粮友谊浓。人定
胜天灾可救，阴霾过后夕阳红。

再 游 西 湖

西子浓妆艳色妍，古来吟唱有诗篇。湖山掩映伊无恙，泉
壑幽深我续缘。花港观鱼鱼自乐，三潭印月月常圆。重修岳
墓光风范，呵斥权奸跪万年。

洪 桥

洪桥〔1920—〕安徽庐江人，南京师范大学《文教资料简报》前副编审。

江 行

快意平生此一游，置身仙境美难收。夔门神女争雄秀，
合许诗人咏不休。

香溪水暖忆王嫱，别帝辞亲赴大荒。历尽艰辛报家国，
英雄岂尽是儿郎。

九 华 山

凤凰松影鸟朦胧，细数芙蓉九子峰。禅杖自飞云外路，
水声人语晚来钟。

宜昌南津关张飞塑像

擂鼓峡江口，雄声震古今。横矛东向望，叱咤起风云。

四 月

四月惊雷响，雄师过大江。山花迎笑靥，杨柳换新装。

南北歌声壮，城乡麴酒香。金陵王气尽，欣见巨龙翔。

游镜泊湖（一）

湖貌幻无穷，烟云雨浪风。飞霖山滴翠，倒影水摇红。
晓日临妆镜，灵鱼听晚钟。清凉天地气，漫步涧边松。

（二）

鸟自歌云树，心闲坐翠庐。波光盈目秀，岚气入怀舒。
未厌霓裳曲，又观烟雨图。人间仙境里，神鬼醉屠苏。

登阅江楼怀宋濂

临江飞阁欲摩天，狮子昂头吼大千。六代繁华春梦短，
廿年改革画图妍。江山焕彩思贤哲，士女如云奏管弦。放眼
大潮西向去，滇池蜀道鼓喧阗。

中华龙鸟〔仙吕·一半儿〕

初 生

中华远古甚萧寥，创业娲皇自苦劳，神鸟初生北票郊。
唱春朝，一半儿如飞，一半儿跳。

沉 睡

算来几劫汝曾遭，美艳翎毛尽火烧，幽梦沉沉陷石槽。
貌姣姣，一半儿飞龙，一半儿鸟。

惊 醒

欣逢盛世上云霄，声震寰球万里翱。孔子追风奏玉箫。
乐陶陶，一半儿宣言，一半儿叫。

腾 飞

遥闻建馆展神鷁，佳客从今四海招，灵异腾飞祖鸟巢。
听童谣，一半儿欢歌，一半儿笑。